

# الله عليك يا زمان الطيبين

سيرة ذاتية بالعامية المصرية

شعر

رفعت عبد الوهاب المرسفى







## سلسلة كتاب مالون لوقت المراجعة

رئيس مجلس الإدارة

رفعت المرصفي

رئيس التحرير

سامي سرحان

مدير التحرير التنفيذي

طارق عمران

مستشار التحرير

محمد الشرنوبى شاهين

رقم الإيداع بدار الكتب والوثائق القومية المصرية

٢٠٠٤/٢٠٥٤٨

العدد رقم ( ٢ ) ديسمبر ٢٠٠٤



## إهداء

إلى كل الطيبين فى مرصفا

المكان والزمان و الأشخاص

إلى كل الطيبين فى مرصفا

الراجلين منهم و المعاضرين

إلى كل الطيبين فى مرصفا

ومن زاملونى فى :

✕ كتاب الشيخ عفيقى نصر رحمة الله عليه

✕ كتاب انشيخ عبد الوهاب خضر رحمة الله عليه

✕ مدرسة مجمع مرصفا الابتدائية [١٩٦٥-١٩٦٠]

✕ مدرسة ميت كنانة الإعدادية [١٩٦٦-١٩٦٩]

أهدى هذا الديوان

رفعت المرصفى





مُفتنتم :

تعالوا نبدأ بالغُلاف

مرسوم عليه صورة ولد

نايم فـ حضنك من زمان

وجدوره لايده فـ الغيطان

لكن فروعـه ..عـ البنادر ضللت

والعقد لما بينفرط

حباته لازم تتلضم

لو حتى تاهت للأبد

وهو حبه منك يا بلد

### الفصيدة :

من كام سنة

واحنا لسه صغِيرين

شايِلين مصاحف ربنا

ودواية سُودا صُغِيرَة

وعُقْلة غاب

بنمِل بيها للكتابة

على لوح صفيح

أو لوح خشب

مربوطة فيه الممسحة

ولو مفيش .

نمسح بديل الجلاية المضحكة

كُتَاب صَحِيح ..

لكنه فاق المدرسة

وآه يا ويلنا

لو نسينا " الماضى " يوم (١)

و" الشيخ عفيفى " حس بينا (٢)

يُعبطنا واحد مـ الكبار

والباقى معروف للجميع ...

كُتَاب صَحِيح ..

لكنه فاق المدرسة

وفى يوم ميلاد سيدنا النبى ﷺ

---

(١) الماضى : هو جملة ما تم حفظه من القرآن الكريم .

(٢) الشيخ عفيفى نصر : المحفظ الشهير للقرآن الكريم فى أشهر كتاتيب  
مرصفا .

نخرج صفوف  
من كل كتاب في البلد  
ونلف من شارع لشارع  
والفرح فارح  
والفرح فارد ضلته  
فوق الشوارع  
والكل فرحان  
بالغنا لاجل النبي ﷺ  
لسه الغنا ساكن ودانى  
زى ما يكون من يومين  
" خليمة يا خليمة  
يا مرضعة نبينا

قومي رضى محمد

رضعته أمينة "

نسه الكلام ساكن ف قلبى

زى ما يكون من يومين

.....

واذكر كمان طبق الدقيق

سيدنا ياخده من إيدنا

ويبدله بقرآن كريم

مكتوب على وش الطبق

ناخد الطبق

نجرى ونجرى فرحانين

وندوب المكتوب

بمية مـ الزلع  
والكل يشرب بالشفـا  
لو فيه عطش  
أو فيه مغص  
أو فيه جروح  
لازم تروح معرفش ليه !!  
كتاب صحيح ..  
لكنه فاق المدرسة  
قدم كثير ...  
أجيال عظيمة  
اتعلمت واتأديت

واتأزهرت بين العلوم والهندسة (١)

والعمّة تاج فوق رؤوس الطيبين

صُبِحَ ومسا

.....  
فاتت سنين ..

وكبرنا حبه

وبقىنا إيه ..

متعلمين - متتورين

نفهم كثير فى الدندنة

نحفظ أغانى " العندليب "

وأغانى " سومه " المدهشة

---

(١) واتأزهرت : نسبة إلى الأزهر الشريف .

"وَلَدَ الْهَدْيَ

وَحَبَّ إِلَيْهِ

هُوَ صَحِيحٌ - فَاتَ الْمِيعَادَ "

كُنَّا طَيُورَ ...

مَتَوَزِّعِينَ بَيْنَ السُّطُورِ

وَسَطَ الْغَيْطَانِ وَالْوَشُوشَةِ

مَتَنَتُورِينَ فَوْقَ الشَّجَرِ

زَى الطَّيُورِ

تَجْمَعُ فِي شَهِدِ الطَّيِّبِينَ

يَحْضُنُهَا جَسْرُ " الْمَدُوشَةِ " (١)

---

(١) المدوشة : قنطرة شبيبة على البحر في مدخل مرصفا من ناحية ميبت كنانة .



ورغم طول الدردشة والفرقة

ولا وقت فانتنا في الصلاة

كانت ودانا بالآذان متعلقه

كنا طيور

ديما بيحلى لها النقا

متوشحين بالحلم الاخضر

بين الغنا والزقزقة

وعشان حدود العمر

أكبر من اللي فات

وعشان ليالى الحلم

ضفرها السكات

وعشان آهات

من غير آهات

"القطر" صفر

بالساعات

والشَّنْط فوق ع الرفوف

اتوجعت

والغربة خطت ع الجبين

صورة الحروف واتشكّلت

لو فتشوا .. تحت الهدوم

فوق الهدوم

جود الهدوم

سرة هموم

اتحزمت واتلجمت

وتروح دموع / وتعود دموع

ويمر ليل الغربة

فوق جسر الضلوع

فوق العيون المشتاقين

لحظة رجوع

فوق العروق

الملئين صبر وجلد

وفـ نشوة العشق الأشد

أحلف بأحرف

مـ " القيامة والبلد " (١)

أحلف بجميزة

---

(١) المقصود سورتي القيامة والبلد من القرآن الكريم .

وصفصافه ووتد

أحلف " بنورج " (١)

موجود حدانا للنهارده

شاهد على عطر الزمان

ياما كنا بنركبه

ويلف بينا ع السنابل والعيدان

أحلف بساقية لسه باقيه

عمرها من عمر أبويا

نو تدور

تحكى التاريخ وتسجله

بين المراوى والغيطان

(١) النورج : آلة قديمة تضرب أعود القمح .

أحلف بآيه واللا إيه  
أحلف بباب المندره  
وخيوط عباية معطرة  
متعلقة فوق الحيطان  
أحلف بحبات الثرى (١)  
أحلف " بسيدى "  
واللا " سيتى "  
والحاج أنور (٢)  
أطيب مـ فى كل الجيران  
أحلف بأنغام الآدان

---

(١) الثرى : التراب

(٢) الحاج أنور : كان أقرب الجيران إلى الشاعر فى مواجهة منزله  
مباشرة .

اللى كان

جوة دارنا

فـ " الوسية " (١)

أصل دارنا

كان فاصلها عن جامعنا

خطوتين أو ثلاثه بالتمام

وهوة جامع سيدى عبد العزيز (٢)

لستاه عزيز

لستاه قُريباً

---

(١) الوسية : اسم درب من دروب مرصفا القديمة والتي يوجد به منزل الشاعر حتى الآن .

(٢) مسجد سيدى عبد العزيز : أحد المساجد القديمة فى مرصفا المجاور لمنزل الشاعر من الجهة الخلفية .

من قلوب الموجودين  
لساني شايف صورة أبويا  
ويا سيدى بين جموع الساجدين  
لساني باحرص على الصلاة  
فى نفس المكان  
لما بتحضنى البلد  
من حين لحين  
لساني بادعى لاجل ابنى  
ينهدى ويورث مكانى  
بين صفوف الراكعين  
أحلف بآيه ولا إيه  
والله عليك يا زمان

الطيبين يا للى انتهيت

وما عادشى منك

إلا كنز الذكريات

وما عادشى منك

إلا حرف بنرسمه زى السُّكَّاتُ

يمكن يعيش - يمكن يموت

يمكن فـ يوم ينطلق

بره التابرت

ويبوح آهات

.....



أحلف بإيه واللا إيه  
أحلف بطبلية عقية  
بتلمنا ساعة العشا  
ولاحد يقدر يبتدى  
ويمد إيدده  
ويلمس رغيغ  
لو حتى ضيف  
إلا أما سيدى يبتدى بالبسمنة  
ونقول وراه  
ونقوم معاه  
ونصبله يغسل إيديه  
الله عليه / والله عليك

يا زمان الطيبين  
يا اللّٰى انتهيت  
وما عادشى منك  
إلا ريحة الذكريات  
وما عادشى منك  
إلا حرف بنرسمه  
زى السّكات  
يمكن يعيش  
يمكن يموت  
يمكن فـ يوم ينطلق  
بره التابوت  
ويقول .. حاجات

أحلف بآيه واللا إيه

أحلف بدكانة بقالة

كان صاحبها يبقى خالى

واسمه " نادى "

ئو هاعدى

ألف مرة من عليه

لازم اطلع سلماية

لازم اشبط فوق شوية

لاجل ما يشوفنى بعنيه

وينادينى

ويلا غينى

ويراضينى

ويناولني بسكوتايه

أو طوافيه

سمسمية / حمصية ...

أي حاجة مـ اللى

عنده والسلام

كان حنين زى اسمه

والحنان لايق عليه

الله عليه

والله عليك

يا زمان الطيبين

يا للى انتهيت

وما عادشى منك

إلا ريحة الذكريات  
وما عادشنى منك  
إلا حرف بنرسمه  
زى السكّات  
يمكن يعيش  
يمكن يموت  
يمكن فـ يوم ينطلق  
بره التابوت  
ويقول .. حاجات  
.....

أحلف بآيه والملا إيه (١)

والحكاوى ..

زى تكعية عنب

لو هحكى فيها

هتعدى ألف حارة

وألف ذقة فى البلد

كان هناك

"درب غايش" (٢)

---

(١) القصيدة تسير على نغمة بحر الكامن ثم مع بداية هذا المقطع تتحول إلى نغمة بحر الرمل ويتخلل هذا المقطع الأخير مقطعان من بحر الكامن مرده أخرى .

(٢) "درب الغايش" : اسم حارة من حوارى مرصفا والتي تربي فيها الشاعر عند جده لأمه .

لو تحبوا تسألوه ..

هوّه هوّه

زى ما هو

لسه عايش

أصلى متربى هناك

"ومعايا كان

الحاج عادل

ومحمد الباشا

ورضا النادى ..

كتير كتير / بس الأخير

مبروك مصلحى ..

ألف رحمة ونور عليه (١)

كات حارتنا

هى دارنا / كات قدرنا

فيها نلعب كل حاجة

حتى برضوا لو سهرنا

فيها نلعب كورة ...

جايز

فيها نلعب بلى ..

جايز

فيها نلعب بالزلط

أو بالأرايز

---

(١) مقطع من تفعيلة بحر الكامل .



واليوم طويل

زى عمك " بربرى "

واليوم طويل

زى السنة

لو كنت عايز

" لا راديو فيه

ولا سيما فيه

ولا فيديو فيه

ولا دش فيه

ولا نت فيه

ولا حاجة خالص (١)

---

(١) مقطع من تفعيلة بحر الكامل .

## کات حارتنا

## هی دارنا

## کات قدرنا

فيها نلعب كل حاجة

حتی برضوا لو سهرنا

.....

خلی بالکم احنا

لسه فی درب غایش

أصل مواله طوي.....ل

كان هناك

خالی یوسف

أو نقول عمى يوسف

القرابة بينا  
كانت تتسع للكلمتين  
خالى يوسف  
كان يصلى الفجر حاضر  
كل يوم  
الدنيا ضلمة  
الدنيا عوصة ..  
الدنيا برد  
لو بتنظر حتى تلج  
كان يصلى الفجر حاضر  
كل يوم  
كنت ديما

يا بنى نايم  
بس ودنى اتعودت  
تسمع أذان الفجر  
من صوت خطوته  
فوق السلالم  
كنت ديما  
بابنى نايم  
بس ودنى اتعودت  
تسمع أذان الفجر  
من سَقَاطَة الباب الكبير  
لَمَّا تنعس من جديد  
كنت ديما بابنى نايم

بس سامع كحته  
اللى بتهز السباط  
هو مات !!  
ما اعتقدشى لحظة  
والله إنه مات  
لسه سامع خطوته  
بين السكات  
لسه شايفه  
فـ قعدته  
بعد الصلاة  
منقده لسااه مولع  
والشاي عليه

المشنة جنبه  
كانت فيها إيه ؟  
عيش مقمر ..  
عيش محمص  
والغموس  
جبنة بيضا  
والمدمس  
والختام الحلو  
كان حبة لبن  
ملو العيار  
هو دا كان الفطار  
كانت قلوب الناس عمار

والله عليك

يا زمان الطيبين

يا للى انتهيت

وما عادشى منك

إلا كنز الذكريات

وما عادشى منك

إلا حرف بنرسمه

زى السكات

يمكن يعيش يمكن يموت

يمكن فـ يوم ينطق

بره التابوت

ويقول ... حاجات

أحكى إيه واللا إيه  
والحكاوى زى تكعية عنب  
طارحة عناقيدها  
على كل الوشوش الطيبة  
خلّى بالكم  
أحنا لسه فى درب غايش  
اللى هوة زى ماهو  
لسه عايش  
واللى مواله جميل عـ الودا.....ن  
كات هناك أمك هدية  
كات هدية بكل معناة الكلام  
أمك هدية كات إديها



بتشفى أحسنها من أجمعين حكيم

كأت بترقينا ...

الصغير والكبير

كأت بتخد الشمس

من كل العيال العيين

لما كأت الشمس تضرب فـ الدماغ

والسخونة العالية تسرى فـ البدن

كانت أمي تقوللى روح

عند ستك بالأمجل

- ستى مين ؟

- ستك .. هدية

- لاجل تخد الشمس منك يا ولة

قبل ما تصبح أذية

ستك هدية ...

كانت بترقيني بإيها الطيبة

كات بتخد الشمس منى لاجل أخف

كات بتعمل إيه ..

لاجل تخذ الشمس منى

لاجل أخف ؟

كات بتربط عـ الدماغ وتعصبه

وتحط مفتاحها الحديد

تحت الرباط وتلف فيه بالقوى

وترش فيه عـ المحيا

وتمشى إيها عـ الجبين

وتقول كلام الطيبين

وتقول ... آمين

قوم اجري روح بالشفاف

كانت بتخذ الشمس منى

لاجل اخف

والغريب فى الوقت ده

انى بشتف

معرفش ليه !!

الله عليك يا زمان الطيبين

يا للى التهميت !!

وما عادشى منك

إلا كنز الذكريات

وما عادشنى منك  
إلا حرف بنرسمه زى السُّكَّاتْ  
يمكن يعيش  
يمكن يموت  
يمكن فيوم ينطلق  
بره التابوت ويقول ... حاجات  
.....  
خلى بالكم  
أحنا لسه فى " درب غايش"  
اللى هُوَ زى ماهو لسه عايش  
لما كان رمضان ! هل  
كُنَّا نسهر للسحور

عمرنا ما نقوم نروح  
قبل ما الطلبة تدور  
كنا نشرب شاي وحلبة  
كنا نشرب شفته شفته  
حبه حبه  
لاجل ما تعدى الساعات  
فى الحكاوى والمحبة  
واما نسحر ونحمد ربنا  
وننوى الصيام ..  
"مسجد الحجاجى " كان بيئنا  
كات الصلاة دىما هناك  
كنا بنشد الخطبى دىما إليه

اللى عنده " كلوب "   
جايه بين ايديه   
واللى عنده فانوس   
وطارح نور عليه   
واللى شايل كوز   
وحاطط شمعته فيه   
واللى بينادى الصلاة   
يا مؤمنين الصلاة (١)   
عمك صليح   
والصلاح باين عليه

---

(١) عمك صليح : اسم الرجل الصالح الذى كان يخرج من منزله فى درب الغايش يوميا قبل صلاة الفجر بوقت كاف لينادى فى الناس مذكرا بصلاة الفجر ومحفزا على ادايتها .

وفـ آخر الشهر المعظم

لازم الطيلة تقسم

لازم الطبال يوَحش .....

" ما أوحشك يا شهر الصيام

ما أوحشك يا شهر الصيام

والناس كثير ما شيين وراه

ودموع تسيل

وتقول معاه

" ما أوحشك يا شهر الصيام "

.....

وبعد آخر يوم صيام  
كان يهل العيد علينا  
زى أفراح الحمام  
كان يهل العيد علينا  
زى جائزة أو وسام  
ثمان يساوى العيد حدانا  
جلاية وقرش صاغ  
والحلاقة قبلها بيوم  
أو يومين حتى لو كنت حالق ...  
والحلاقة قبلها بيوم أو يومين  
زى المصاغ  
والحما فى العيد أكيد



لاجل ما نلبس جديد  
كان يساوى العيد حدانا  
جلابية وقرش صاغ  
واتخن ما فينا كان بياخد قرش صاغ  
يركب المراجيح بميلم  
يركب الصناديق بميلم  
حتى دور " الوزدة " من عمك  
" مراكبى " كان بميلم (١)  
" البلوظة " كانت بميلم (٢)

---

(١) الوزدة : اسم المرححة الصغيرة الذى يمكنها ويعمل عليها فى الأعياد  
على مراكبى .  
(٢) البلوظة : طعام بسيط يصنع من الفشا والسكر ويلون بالالوان وكان  
يباع للأطفال فى الأعياد فى ذلك الوقت .

واما نلعب خمسة كارت  
كان بيبقى الدور بميلم  
كل حاجة فى الزمان ده  
كان بطلها هو ميلم  
" طظ " فى أجعص دولار  
النهارده للأسف  
البطل هو الدولار  
النهارده للأسف كل حاجة  
يفلسفوها يربطوها بالدولار  
هو ده عصر الدواهى  
الدولارات البلطجة والانكسار  
هو ده عصر الدواهى الدولارات  
..

الأمركة اللي احنا فيه ؟

اللى خلى كل حاجة

بالعصاية راکعة ليه ؟

واللا ده عصر الدواهى

العولمة اللي اسمه إيه ... ؟

النهارده للأسف كل حاجة

يربطوها يفلسفوها بالدولار

واللى يكفر واللا يستهزئ

بمولانا الدولار

المحاكم تتنصب له

والجيوش تتجه له

والقيامة تقوم عليه

واسألوا نهر الفرات  
واللا مهزلة السكات  
واسألوا كل الحروب  
واللا لبنان الجنوب  
واللا كابول والجولان  
واللا دارفور السودان  
واللا كل المستهان  
هما دول الأمريكان  
هما دول المر كان  
هما دول الأمر كان  
هو ليه الأمر ديما  
فى الزمان ده صار بإيدهم ؟

ضعفنا هو اللى سيدهم ؟  
صمتنا هو اللى سيدهم ؟  
واللا إيه الـ مش عاجبهم  
واللا فينا إيه شاددهم  
واللا فينا إيه راعبهم  
واللا إيه واللا إيه ..  
حَيَرُونَا الْأَمْرِيكَانَ !!!  
.....

المهم ... مرجوعنا تانى

للزمان والطيبين

لاجل ما نخرج من العوصة

والأمور الطين فـ طين

كان يساوى العيد حدانا

جلابية وقرش صاغ

كان زمان القرش الاحمر

المشرشر / المضنع

أو ساعات القرش الابيض المخرم

أو ساعات من حنتين

كل حنة كات تساوى

خمسة ميلم فى الميزان

واتخن ما فينا كان بياخد  
قرش صاغ  
يركب المراجيح بميلم  
يركب الصناديق بميلم  
حتى دور الوزّة " من عمك  
" مراكبي " كان بميلم  
" والبلوطة " كات بميلم  
واما نلعب خمسة كارت  
كان بيبقى الدور بميلم  
كل حاجة فى الزمان ده  
كان بطلها هوّ ميلم  
" طظ " فى أجعص دولار

والله عليك

يا زمان الطيّبين يا للّى انتهيت

وما عادشى منك

إلا ريحة الذكريات

وما عادشى منك

إلا حرف بنرسمه

زى السكّات

يمكن يعيش / يمكن يموت

يمكن فـ يوم ينطلق

بره التابوت

ويقول .... حاجات

.....



تعالوا نخرج " للمُجمَع "

اللى فيه المدرسة

واللى فيه المفرخة

واللى فيه " السبتالية " (١)

كل حاجة فى المُجمَع

من مكاسب شهر يولييه

كل حاجة فى المُجمَع

من مكاسب ثورة بيضا

ونذكرى غالية

كل حاجة فى المُجمَع كات بترمز

للزعم اللى اسمه ناصر

---

(١) السبتالية : السبى .

الآن خط خطوط عريضة  
في تاريخ مصر المعاصر  
كل حاجة في المجمع  
كانت بترمز للزعيم  
الى اسمه ناصر  
كنا بنقله في طابور المدرسة  
ناصر كلنا بنحيك  
ناصر وحنفضل جنبك  
ناصر ونعيش ونقولك  
ناصر يا حبيب الكل يا ناصر  
كل حاجة في المجمع  
من مكاسب ثورة عايشة للنهارة

فى عروق المطحونين  
ثورة بتجدد شبابها  
فى عيون المولودين  
ثورة عايشة للنهارده  
مهما حاولوا يفرغوها  
من مضامين الخلود  
ثورة غطت فى البنا كل الحدود  
كل حاجة فى المجمع  
كاتب بترمز للزعيم  
اللى اسمه ناصر  
بالمناسيه ....  
كان ناظرنا فيه كثير

من زعيم الأمة ناصر

فيه كثير من هيئته

من وقفته

من مشيئته

فيه كثير من شموخه وعزته

كان ناظرنا اسمه إيه ؟

ألف رحمة ونور عليه

" محمد زكي حشيش " (١)

أسم بالتشريف يعيش

لسه شايفه والعصايه تحت باطه

---

(١) ا. محمد زكي حشيش : ناظر مدرسة فجمع مرصفا منذ نشأتها وحتى  
بداية السبعينات .

وهو واقف على الباب الكبير  
واللى يتأخر عن طابور الصبح حبه  
له نصيب من عصايتة الخيزان  
كانت عيونه مسنبله فى  
كل أركان المكان  
ضربة واحدة من عصايتة  
تبقي كافيه لاجل تفرك  
إيد فى إيد  
حصتين أو ثلاثة من الزمان  
واما ندخل فى الفصول  
كل حاجه محتاجينها  
فى الدولاب الأبلakash

وبَلاش

القلم والكراسات والملابس والقماش

والغدا بعد الدروس

جنبه صفرا وعيش فطير

هو دا كان المَجْمَع

هو راح فين المَجْمَع ؟

اللى فيه المدرسة

والمفرخة والسبتاليه

والسبتاليه عايزة واقفه ..

كان كابوس البلهارسيا

بيطاردنا فـ كل ثانية

كلنا فى الوقت دا

كانت حدانا البلهارسيا  
اللى ياما دمرتنا فى الطفولة  
واللى لسه للنهارده  
فيه كتير بيعانوا منها  
ومن آثارها  
كات هناك اللسبتاليه  
واما نسترجع وجود  
الموجودين المسنولين  
عمى حجاجى يقابلنا  
لاجل نقطع تذكرة لاجل العلاج  
عمى حجاجى ...  
كان يعالج ... كان يطاهر

كان بيخدم كل واحد  
م اللي غايب واللى حاضر  
عمى حجاجى ...  
كان بيْفهم فـ العلاج  
البواطن والظواهر  
عمى حجاجى .. كان بيعرف كل  
واحد فى البلد أو فى العزب  
أو فى الكفور  
واما يتعب حد منهم  
كان بيجرى ويداويه  
أو بيجرى يشور عليه  
عمى حجاجى ...



دفتر المواليد حداه

دفتر الوفيات حداه

دفتر التواريخ حداه

عمى حجاجى ...

كان لوحده سجل مدنى

بكل معنى فى الحياة

والنهارده لسه قلبه ويا بيته

مفتوحين للجميع

واما اعدى يوم عليه

لازم أفرد له إيديه

لاجل ضغطى يقيسه ليا

لاجل ما اطمئن عليه

وأفضل اشرب من حديثه

كلمة كلمة

لأجل اخزن للكتابة

في القصايد والكتب

عمى حجاجي

لسه قلبه من ذهب

لسه باقى من زمان الطيبين

اللى انسلب

هو دا كان المجمع

اللى فيه المدرسة والمفرخة

والسبتاليه

كل حاجة فى المجمع

من مكاسب شهر يوليه  
كل حاجة فى المجمع  
كات بترمز للزعيم  
اللى اسمه ناصر  
اللى خط خطوط عريضة  
فى تاريخ مصر المعاصر  
والله عليك  
يا زمان الطيبين  
يا للى انتهيت  
وما عادشى منك  
إلا ريحة الذكريات  
وما عادشى منك

إلا حرف بنرسمه

زى السكات

يمكن يعيش / يمكن يموت

يمكن فـ يوم ينطلق

برد التابوت

ويقول ..... حاجات

.....

مُفتنم :

وتعالوا نرجع للغلاف :

مرسوم عليه صورة ولد

نايم فـ حـضـنـك من زمان

وجدوره لابه فى الغيطان

لكن فروعه ..

عالبندار ضللت

والعقد لما بينفرط

حباته لازم تتلضم

لو حتى تاهت للأبد

وهو حبه منك يا بلد

وهو حبة منك يا بلد

### صدر من هذه المؤسسة :

- ١ - مرصفا الشاعرة - ديوان شعر  
نخبة من شعراء مرصفا والقلوبية  
سبتمبر ٢٠٠٤ م
- ٢ - الله عليك يا زمان الطيبين  
قصيدة طويلة بالعامية المصرية  
رفعت عبد الوهاب المرصفي  
ديسمبر ٢٠٠٤ م

### للصدقات القادمة

- أفراح السواقي - ديوان شعر  
نخبة من شعراء مرصفا والقلوبية
- الحياة والموت برميل - ديوان شعر  
طارق عمران
- الصمت - مجموعة قصصية  
سامي سرحان
- طعم الموت - ديوان شعر  
سيد سلامة

## الشاعر في سطور

\*\*\*\*\*

الاسم : رفعت عبد الوهاب محمد " رفعت المرفقى " .  
الصفة الأدبية : شاعر وكاتب .  
محل الميلاد : مرصفا - بنها - القليوبية - مصر .  
محل الإقامة : القاهرة - شبرا  
المؤهل العلمى : بكالوريوس تجارة - شعبة محاسبة - جامعة عين  
شمس عام ١٩٧٨ .  
الوظيفة الحالية : مدير إدارة المشتريات والمخازن - بكلية الهندسة  
بشبرا - جامعة بنها .  
عنوان العمل والمراسلة : ١٠٨ - شارع شبرا - القاهرة - حدائق شبرا  
- رقم بريدى ١١٢٤١ .  
تليفون المكتب : ٢٠٢٢٣١٠ - ٢٠٥٠١٧٥ القاهرة -  
تليفون المنزل : ٤٧٠٠٢٣٦ القاهرة - محمول : ١٢٢٤٢٨٢٢٩ .

#### الإلتساء الأءبى:

- ١- عؤو اءءاء كءاب مصر .
- ٢- عؤو رابطة الأءب الإءلامى العالمة .
- ٣- عؤو ءمة الأءباء بالقاهرة .
- ٤- شاعر ومءءء معءمء بالإءاعة المصرية .
- ٥- شاعر ومءاضر مركزى بالهبة العامة لقصور ءقافة القاهرة .
- ٦- عؤو مءلس إءارة ناى الأءب المركزى لمءافظة القلوببة .
- ٧- نائب رنبس ءمة الأءباء والفنائن ومراسلى الصءف بالقلوببة .
- ٨- مسءشار ءءربر لسلسلة كءاب الأمة بالقلوببة .
- ٩- مؤسس ورنبس ناى الأءب بكلبة الهندسة بشبرا والمشراف عى ءربر مءلة شعاع الغرب ءوربة الصاءرة عنه .
- ١٠- مؤسس " الصالون ءقافى بقربة مرصفا " مءافظة القلوببة ورنبس مءلس إءارة السلسلة الصاءرة عن هءا الصالون .
- ١١- عؤو ناى " القصبء " بالقاهرة .
- ١٢- عؤو ناى أءب قصر ءقافة بهءبم بشبرا الخمة .
- ١٣- عؤو مءلس إءارة " النساى الأءبى " بقصر النبى بالقاهرة .



- ١٤- عضو مجلس إدارة "ملتقى الأربعماء الأدبي" بنقابة الصحفيين بالقاهرة.
- ١٥- من الشعراء الذين ضميمهم "معجم البابطين" للشعراء العرب المعاصرين فسمى طبعته الأولى عام ١٩٩٥ .
- ١٦- من الشعراء الذين ضميمهم "معجم شعراء الطفولة العرب" في طبعته الأولى الصادر بالسعودية عام ١٩٩٧ .
- ١٧- من الأدباء الذين ضميمهم معجم الأدباء الإسلاميين في طبعته الأولى عام ١٩٩٩م بالآرين .
- ١٨- من الأدباء الذين ضميمهم معجم أدباء مصر في الأقاليم الصادر عن الهيئة العامة لقصور الثقافة بالقاهرة في طبعته الأولى والثانية عام ٢٠٠٠م .
- ١٩- من الأدباء الذين ضميمهم "معجم أدباء مصر" في طبعته الأولى عام ٢٠٠٤م .
- ٢٠- من الكتاب المصريين الذين ضميمهم معجم كتاب الأطفال "هؤلاء كتبوا للأطفال" في مصر الصادر عن المركز القومي لثقافة الطفل بالقاهرة في طبعته الأولى عام ١٩٩٩م .

- ٢١- اختارت وزارة التعليم المصرية من كتاباته نصا شعريا للأطفال  
وقررتة على تلاميذ الصف الرابع الابتدائى بعنوان " أهلا يا  
رمضان " منذ عام ١٩٩٥ وحتى الآن وقد تم انتاج هذا النص  
غنائيا بمعرفة إحدى شركات الإنتاج الفنى ضمن شريط كاسيت  
بعنوان " أطياف " .
- ٢٢- ترجمت إحدى قصائده إلى الإنجليزية .
- ٢٣- وفى مجال الكتابة للأطفال يكتب القصيدة والقصة الشعرية فى  
العديد من الدوريات المصرية والعربية وله عدة مجموعات شعرية  
للأطفال تحت الطبع .
- ٢٤- تنشر إبداعاته وكتاباته فى العشرات من المجلات والصحف  
المصرية والعربية كما تذاع قصائده وكتاباته بالإذاعات المصرية  
والعربية منذ منتصف الثمانينات وحتى الآن

#### الإصدارات الشعرية :

- إذكريني - : ديوان شعر
- طبعة أولى ١٩٨٢ .
- طبعة ثانية مايو ٢٠٠٠ .
- قراءة في كتاب الفطرة : ديوان شعر
- طبعة أولى ١٩٩٦ .
- حروف على صفحة القلب : ديوان شعر
- طبعة أولى أكتوبر ١٩٩٨ .
- طبعة ثانية يناير ١٩٩٩ .
- دماء على جدران التاريخ : ديوان شعر
- طبعة أولى يناير ٢٠٠٠ .
- في معية الله : ديوان شعر
- ضبعة أولى يناير ٢٠٠٢ .
- للعشق رائحة البحر : ديوان شعر
- طبعة أولى يناير ٢٠٠٣ .

الصادر عن الهيئة العامة لقصور الثقافة  
" إقليم القاهرة الكبرى وشمال الصعيد "

- الله عليك يا زمان الطيبين - ديوان شعر "سيرة ذاتية بالعامية المصرية" طبعة أولى يناير ٢٠٠٥ وهذا الديوان من إصدارات الصالون الثقافي بمرصفا .

الإصدارات الشعرية بالاشتراك مع شعراء آخرين :

- قلوب شاعرة - ديوان شعر عام ١٩٩٤ .
  - الملتقى الشعري - ديوان شعر عام ١٩٩٦ .
  - الوطنية في القليوبية - ديوان شعر عام ٢٠٠٣ .
  - مرصفا الشاعرة - ديوان شعر عام ٢٠٠٤ .
- وهذا الديوان من إصدارات الصالون الثقافي بمرصفا .

## تحت الطبع :

١. وشكل النهر ملامحي  
- ديوان شعر
٢. همهمات البحر  
- ديوان شعر
٣. أفراح العيد  
- مجموعة شعرية للأطفال
٤. شروق والقمر  
- مجموعة قصصية شعرية للأطفال
٥. هكذا نغنى للزهور  
- مجموعة شعرية للأطفال
٦. رؤى نقدية لتجارب شعرية  
- كتاب نقدي في الشعر

أهم الجوائز الحاصل عليها :

- ١ . حاصل على المركز الأول فى أدب الطفل من نادى أبها الأدبى السعودى عام ١٩٩٥ .
- ٢ . حاصل على المركز الأول فى الشعر من المجلس الأعلى للشباب والرياضة بمصر عام ١٩٩٦ .
- ٣ . حاصل على المركز الأول فى الشعر من نادى القصيد بالقاهرة عدة مرات .
- ٤ . حاصل على المركز الرابع فى الشعر للشعراء الشباب من المجلس الأعلى للثقافة بمصر عام ١٩٩١ .

فهرست

م	بيان	الصفحة
١	إهداء	٧
٢	مفتتح	٩
٣	مقاطع القصيدة	١٠
	- انكتاب وذكرياته	١١
	- الدار القديمة بدرب النوسية	٢١
	- مسجد سيدى عبد العزيز	٢٢
	- درب الغايش وذكرياته	٣٠
	- مسجد سيدى الحجاجى	٤٥
	- رمضان وذكرياته	٤٦
	- العيد وذكرياته	٤٨
	- عصر الدواهى والدولار	٥٠
	- مجمع مرصفا وذكرياته	٥٧
	- إشارة إلى ثورة يوليو والزعيم الراحل جمال عبد الناصر	٦٠
٤	مختتم	٦٩
٥	صدر من هذه السلسلة	٧٠
٦	الشاعر فى سطور	٧١
٦	فهرست	٧٩

المؤلف : خير الدين المصطفى

شبرا الخيمة ٢٢٣٠٤٢٢

حقوق الطبع محفوظة للمؤلف

رقم الإيداع بدار الكتب والوثائق القومية المصرية

٢٠٠٤ / ٢٠٥٤٨